

延吉邊務報告

第二章 延吉廳建設之沿革

國初封禁之河流山場

康熙年間之建設

設琿春協領之始

道光咸豐年間之建設

圖們江北注重邊務之始

圖們江北整飭邊防之始

光緒紀元以來之建設

圖們江北辦理荒務之始

延吉邊務報告

延吉廳建設之沿革 目錄

奉天學務公所印刷處印

圖們江北駐紮防營之始

吉林設邊務督辦之始

設琿春副都統之始

設局招墾之始

設和龍峪光霽峪西步江局卡之始 附商章節目錄吉韓通

圖們江設立水師營之始

清丈升科設局撫墾之始

設延吉廳治官缺之始

延吉駐紮吉強軍之始

結論

第二章 延吉廳建設之沿革

國初封禁之河流山場

國朝入關以後為保全根本之計延吉地方列為禁山圍場每歲僅由烏拉總管及吉林將軍採取東珠人獲貂狐熊鹿狍獐虎豹等物以上貢

天府

見皇朝文獻通考會典事例等書及烏拉通春冊報事

故光緒以前除由瑋

春協領都統兼轄外別無行政機關可考謹據八旗

通志及瑋春冊報而考延吉廳

國初封禁採捕之河流山場如左

布爾哈通河

河側名珍珠營

延吉邊務報告

延吉廳建設之沿革

奉天學務公所印刷處印

海蘭河

噶哈哩河

即嘎呀河

以上為捕珠河見八旗通志

瑚珠山

即瑚珠站

阿布達哩

即今之瑋春東溝

烏爾琿山

即今之黑頂子

呼蘭山

即今之火龍溝在瑋春東南

呼蘭河

以上為採捕山見瑋春冊報

據此則延吉廳之地北由哈爾巴嶺發源之佈爾哈

通河南達於圖們江流域東北由寧古塔交界之瑚
珠站而東南至圖們江北之黑頂子皆

國朝封禁採捕之重地故

國初以來變遷甚少至近數十年始稍有行政之建設
蓋由封禁時代漸改爲廳治時代也更詳其建設之
沿革如左

康熙年間之建設

延吉境內

國初既經封禁故建設極爲疏略康熙五十三年設瑋
春協領隸於寧古塔副都統是爲設瑋春協領之始

按延吉廳原歸瑋春管轄考延吉廳地方建設之
沿革則必自瑋春始

道光咸豐年間之建設

國初以來流民入境禁例綦嚴至道光時圖們江北始
稍有人民竄入然禁令仍嚴密也道光二十八年二
月奉

上諭前據額經布等奏遵議查勘吉林輝發土門江二處
協緝章程並籌撥緝捕經費一摺當交軍機大臣議
奏茲據該大臣等核議具奏吉林地方或與盛京山
界毗連或與朝鮮隔江爲界均宜一體清查勿任奸

民竄入著額經布等照議於每年統巡及欽派大臣
巡查之年慎重選擇協領防禦各員會同各卡弁兵
責成認真巡緝倘有匪徒墾田構舍立即查拏並將
田舍平毀或此拏彼竄迅即知照鄰封協同追捕勿
令遠颺庶奸謀永杜而邊界肅清矣觀此時重申禁
令之文則以前
每年之巡查防是為圖們江北注重邊務之始自康
禦皆可知推知防
內照至咸豐年間凡言封禁吉林境
之諭不問餘通不能詳錄

按讀此次

上諭言邊界則曰與朝鮮隔江為界言防守則曰勿任
奸民竄入又曰庶奸謀永杜邊界肅清則圖們江

為吉韓分界無有疑義而當時界禁之嚴可想見
矣

自中俄界約訂立以後吉林東部悉與俄境毗連
春僻處東隅遂成重鎮咸豐九年七月奉

上諭富明阿等奏瑋春邊務事繁請將該處協領賞加
副都統銜以資鎮攝等語瑋春協領訥穆錦著加副
都統銜嗣後瑋春協領一缺即作為副都統銜協領
永為定制是為圖們江北整飭邊防之始

按當時所稱邊務事繁蓋專注意於俄圖們江北
界禁素嚴尚未虞及韓人之生心也

光緒紀元以來之建設

光緒四年吉林將軍銘安奏阿克敦城即今之敦化縣

敦化縣一帶有私墾地畝前經派員履查據旗民各戶呈

墾領業升科並願補交荒價等情現在賊氛漸息同治

末及光緒初元吉林應將私墾地畝查丈升科派知縣

趙敦誠等前往阿克敦城將旗民私墾地畝查明造冊分別荒熟限年升科是為圖們江北辦理荒務之

始

按自咸豐以來禁令漸弛始稍有在圖們江北私墾地畝者故於是年銘將軍有此奏請然斯時私

墾者多為旗民尙僅在敦化縣一帶至圖們江北附近雖至同治年間即有韓民越界然其初皆為傭工雖間有私墾者為數尙少故此時請查丈升科尙未議及也查光緒六年今延吉所屬高立嶺以西之地劃歸敦化縣管轄高立嶺以東之地歸琿春管轄七年設副都統後今延吉全境仍歸琿春轄

光緒六年將軍銘安與三品卿銜吳大澂先後奏請添練馬步隊七千人分防寧古塔琿春三姓等處其靖邊軍之駐紮琿春境內者共有九營駐南崗者延吉

名臨南崗原為右路步隊一營馬隊一營駐瑋春城東及紅旗河一帶者為中路步隊三營前路馬隊二營步隊一營駐黑頂子者為前路步隊一營是為圖們江北駐紮防營之始

營制馬隊二百五十八人步隊四散行解

按是年邊務添練防營蓋為防俄患及馬賊而設至於吉韓邊境自有江流為界則固無患之可防焉

光緒七年四月奉

上諭現在俄事雖已定議惟念中國邊境與俄毗連必宜

延吉邊務報告

延吉廳建設之沿革

五

奉天事務公所印刷處印

慎固封守以為思患預防之計吉林之三姓甯古塔瑋春等處防務尤關緊要即著責成吳大澂督辦是為吉林設邊務督辦之始

按是時與俄界約初定為防俄計故有督辦邊務之設當時延吉境內雖間有韓民私墾然國界素定無庸多慮是以為思患預防之計而並未籌及圖們江北也

又是年四月二十八日

上諭銘安等奏請添設副都統暨建造衙署各摺片吉林瑋春地方向歸甯古塔副都統管轄相距遙遠該將

軍等請添設大員以資統率係爲因時制宜起見著照所請添設璋春副都統一員其應鑄關防並支給俸廉等項改設官缺建造衙署各節均著照所議辦理其餘未盡事宜該將軍等體察情形詳議具奏是爲設璋春副都統之始

按是時圖們江北封禁大開已知非有行政機關不能治理然初不料根本之地布置稍疏竟致動外人覬覦也

又是年將軍銘安等奏稱查吉林伊通州以南爲圍場再南爲奉天圍場入南始爲山獸滋生之所自奉

天放荒後人烟日稠每逢捕打

貢鮮竟無所獲聞其地多沃壤可資開墾飭據知府李

金鏞等履勘稟稱南荒

按南荒即指吉林南部而言光緒七年延吉廳內曾經

行李金鏞編查勘

東自蘇密西至青頂子其間高原平壤錯

立山中者計有二十七處約可墾地十餘萬畝合無仰懇

天恩俯念吉省南荒圍場無可採捕准其援照奉省請放

圍場成案一律招佃認領墾種以安民業而裕餉源

錄節

由是吉林南部廢禁山圍場之舊制行移民實邊之政策而延吉境內設有南崗璋春東五道溝黑頂

子等墾局是爲設局招墾之始

計開光緒七年延吉廳境內奏報墾成熟地及分
立各社如左

南崗墾局 奏報墾成熟地一萬八千九百三十九
响九畝三分設立志仁尙義崇禮勇知守信明新
等六社

瑋春墾局 奏報墾成熟地五千六百二十响零一
畝六分設立春和春雲春華春明春融春陽等六
社

五道溝墾局 即瑋春東溝 奏報墾成熟地二千零七十三

响九畝六分設立春仁春義春禮春智春信等五
社按延吉境內雖至是時始行招墾而韓民越墾
者則已日益衆多故吳督辦於是年有請將越墾
韓民概令入籍之奏雖旋因韓王懇將該民等刷
還其事中止然亦足見韓民私墾我地爲因窮迫
犯禁不僅於界務全無關係且初非彼國王所欲
也

光緒十年五月奉

上諭瑋春副都統依克唐阿著隨同希元幫辦吉林邊務
一切事宜是爲瑋春副都統兼幫辦吉林邊務之始

按是年吉林邊務改歸吉林將軍督辦琿春副都統爲幫辦以收指臂相聯之效而管理旗務之專員遂兼有民事兵政之全權故琿春副都統不惟專辦邊防而韓民越墾事宜亦由其隨時經理矣又是年通商大臣李鴻章吉林將軍希元奏稱吉林與朝鮮商民貿易章程前經臣等覈定會奏已由總理各國事務衙門戶禮部覆奏奉

旨依議欽此欽遵當卽陳明候將刷還流民及酌撥防軍一切事宜議定後派員前往開市貿易以昭慎重近據琿春副都統依克唐阿咨報俄人與朝鮮有陸路

通商之議朝之慶興府與俄鎮兩處人民彼此往來蹤跡甚密等因朝鮮向來孱弱近因國中滋衅曾爲日人所逼今俄又設此謀以暗撤朝鮮之門戶恐該國受其愚弄貪一時小利貽他日隱憂此其漸不可不防爲今之計惟有將吉林與朝鮮通商事宜亟爲舉行於招携懷遠之中寓先發制人之意庶可以阻敵謀而定民志臣等往復咨商意見相同自應遵照前次奏定章程派員督理商務以專責成奉

旨依議是爲設和龍峪光霽峪西步江局卡之始

光緒十九年奏

附錄 吉韓通商章程數條 原定吉韓通商章程十六條

通商局光緒十一年設專司吉林與朝鮮通商之事稍改市易舊例准其隨時交易以示優待屬國之意所定貿易章程與各國通商章程兩不相涉以事體本不同也局在琿春城西南二百五十五里和龍峪地方 俗呼大南接朝鮮會甯界圖們江派員督理

光霽峪分卡在圖們江北岸南接朝鮮鍾城府距琿春二百餘里

西步江分卡在琿春城西二十里西界朝鮮慶源

延吉邊務報告

延吉廳建設之沿革

九

奉天學務公所印刷處印

府

兩國邊界敦化縣南與會甯鍾城琿春與慶源互相往來貿易其稽查之事各按邊界定律辦理 以上

通商章程 第一條

甯古塔與會甯庫爾哈與慶源市易舊例一律停止此後貿易均照新章程辦理 第三條

又查十四年通商大臣李鴻章奏稱 中略 據吉林將軍咨轉吉朝商務委員稟稱吉朝通商原擬俟刷還流民酌撥防軍再行舉辦旋因俄人與朝鮮有陸路通商之議慶興府與俄鎮兩處人民往來甚密是以亟

設局卡藉可杜漸防微該處皆曠野空山時有盜賊出沒朝鮮關北一帶地方因之不靖自經設局聯絡朝員梭巡稽查匪類斂跡凡遇無告窮黎量力安置韓民入我境者儼有樂郊樂土之思其交涉事件亦無不推誠布公和衷商辦至越墾韓民爲數既衆往往與華民爭墾互毆局員平其曲直使彼此息忿否則怨不在大積久易滋事端琿春敦化遠在三五百里以外若非該局就近撫馭實無以安民心而弭隱患惟和龍峪一帶人烟稀少居民貧苦異常朝鮮沿江各府更無富商大賈是以貨物銷售有限稅收不

旺現值該局試辦屆滿所收稅數如此細微就目前而論似非裕財之道就遠而論實亦撫治邊陲維繫韓人之策〔中略〕臣查吉林和龍峪一帶分設局卡本欲羈縻韓民非爲多收稅項若遽裁撤恐於時局有礙現既彙覈稅項不敷局卡用度自應將需用經費展限三年仍由山海關按照刪減數目每結解交銀二千二百兩俟限滿能否就稅項挹注再行察酌辦理

以上
據

按據原奏所稱則和龍峪等處之設通商局實兼有理民之責雖此時未設廳縣亦已具有行政之

機關也至韓民有無告者入我境內我爲量力安置之有與華民爭墾者平其曲直我爲就近撫馭之其所以撫恤韓民保護韓民實周且至矣然韓民來居此土因何受我撫綏勞我保護其主權之爲誰屬尙待煩言而解耶且通商章程載在條約爲中韓所公認觀所記和龍光霽二峪之局卡轄地皆言以圖們江爲界則此時於兩國國界更不啻重加聲明而宣布之矣

十五年吉林將軍長順奏稱吉林朝鮮以圖們江爲界此次查出沿江私設橋渡已飭督理和龍峪商務

總局委員章鴻錫會同朝鮮邊界官概行撤毀仍照章在光霽峪分卡並西步江分局之開市處所對岸設渡所有來往商民彼此驗照方准放行以杜漏稅及越墾之弊惟是沿江上下數百里巡查不易况俄人現復與朝鮮陸路通商則我之琿春一帶交涉事件勢必更增繁重臣擬於圖們江設立三板砲船二號上下梭巡於邊防不無少補其砲船一切悉按本年四月奏設松花江水師砲船章程辦理至冬令封江之後卽將船上弁兵並酌撥隊伍扼要巡緝俾臻嚴密其營制夏則梭巡於圖們江上下遊冬則駐紮

於瑋春之西步江凡領哨船長砲勇等共四十八員三板船一隻駕噶爾薩砲二尊四板船二隻每船駕噶爾薩砲各一尊

以上見吉林省志後二年裁省

是爲圖們江設立水師營之始

按圖們江岸旣由我設局收稅圖們江中復經我設立水師則國界自可想見查當時之設渡舟固爲防越墾漏稅之弊其設水師雖亦爲防俄人意外之虞然使至今尙在日韓人於我國界何從窺伺乃行之未久卽行裁撤殊可惜也

光緒二十年吉林將軍奏將圖們江北岸收還朝鮮

流民越墾地畝並將墾民立社編甲照則升科設局撫墾凡越墾之地統建四大堡堡分有社鎮遠堡建於黑頂子分設八社與韓之慶興府對峙寧遠堡建於光霽峪分設十三社與韓之鍾城府對峙安遠堡建於章母得基分設七社與韓之茂山府斜對計四堡三十九社收撫墾民四千三百零八戶男女丁口二萬零八百九十九人統編一百二十四甲較定四百一十五牌丈報熟地一萬五千四百餘晌歲征大租銀二千七百七十九兩有奇自光緒十六年起至二十年竣事是爲清丈地畝照則升科設局撫墾之

始

按是年設立撫墾局係遵十六年總署所奏辦理
蓋以吉韓界務自茂山以下有圖們巨流為兩國
天然界限韓國勘界使亦無異說總署奏稿詳越墾故自
茂山以下清丈地畝照則升科以慰流氓歸附之
心而韓民遂皆入我版籍而受廛為氓矣

二十八年十月軍機處奏吉林將軍奏稱吉林幅員
之廣四千里有奇僅設兩府四廳一州兩縣轄境太
廣控制不易該將軍奏請於瑋春相近之延吉崗增
設廳治設撫民同知一員和龍峪設分防經歷一員

延吉邊務報告

延吉廳建設之沿革

十三

奉天學務公所印刷處印

歸延吉廳管轄並設巡檢一員兼司獄事教諭一員

其餘請設各缺從畧奉

旨依議是為設延吉撫民同知和龍峪分防經歷及巡檢
教諭各缺官之始

按至此時圖們江北始有完全理民之官蓋以越
墾者益眾華韓雜處事務殷繁已非敦化瑋春遠
在數百里外者所能治理勢之所趨不得不因時
制宜也次年韓民滋亂不久即定未始非改設廳
治之效惜前將軍雖已見為重要而因循憚於大
舉行政機關仍復缺略不完致令外人生心日夕

經營以圖乘我不備至今警覺亦已晚矣然事尙可爲仍視當局者之布置何如耳

二十九年吉林省添招吉強軍四營分駐延吉境內

其駐紮區域詳後是爲延吉廳駐紮吉強軍之始

按是年設吉強軍步隊三營馬隊一營分駐圖們江北岸前此靖邊軍九營蓋注重俄防而吉強軍則專防韓民之不靖而設也適是年李範允越界歛財帶兵渡江華韓人民俱受其虐燒殺搶掠之案至數十起華民之斃命者幾數百人而其獲以平韓民之亂黨保地方之治安者未始非此添設

軍隊之力也

結論

我

朝入關以後自長白山脈以南圖們江以北如佈爾哈通河海蘭河嘎呀河琿春河之流域皆僅取其物產之精英以上充

天府貢品而列爲禁山圍場之重地則封禁權之操之我國者也咸同以來東邊多故始則注重俄防繼又以華韓雜處事務殷繁故延吉廳一隅之地軍隊則有靖邊軍水師營及吉強軍之設墾務則有南崗琿

春五道溝黑頂子等局之設通商越墾則有和龍峪
光霽峪西步江等局卡之設光緒二十年又民政機
關則有延吉廳和龍峪分防經歷之設其所以保領
地之治安謀邊防之鞏固者皆上勞

宵旰之憂勤下煩疆臣之擘畫則建設權之操之我國
者也蓋圖們江北爲我國固有之領土而軍事上政
治上之建置固絲毫未受外人之干涉者也今日人
致外部照會三十八號乃謂光緒十一年以後延吉廳所
設各衙署江即水指和龍峪通商局等類均係我國政府
於界務爭論未決之時擅自設立而不知韓民越墾

始於光緒初元界務爭端肇於光緒九年詳越而自
國初以至光緒九年二百餘載之間兩國確守國境未
生界務問題而康熙年間設琿春協領道光年間設
圖們江北卡倫詳後咸豐年間改琿春協領爲副都統
銜協領光緒六年設靖邊軍九營七年則有督辦邊
防琿春副都統及琿春南崗東五道溝黑頂子等墾
局之設是則圖們江北之地當界務爭端未起以前
設官駐兵我國已無不隨時籌畫矣此後一切措置
無非因時制宜漸易旗員疏闊之舊規而變爲民政
機關之廳治耳我疆我理先後同塗領土主權由來

已久詎得謂乘界務未決之際擅立衙署爲非正當之舉乎致數外語見日本且吉韓界務之所未決者據十三年勘界成案不過茂山以上之圖們江源處耳至延吉廳一切建設區域皆在茂山以下有圖們江天然界限後詳與吉韓境界問題毫無關係又何得以有圖們江天然國界之處而與紅土石乙二水以上境界未決之區妄相牽混乎故歷考二百年來建設之沿革以證成延吉廳爲我領土決非外人所得干涉之鐵案